



Concello de Cerdido
As Felgasas, s/n, A Barqueira
15569 Cerdido (A Coruña)
981 41 10 00
www.cerdido.org correo@cerdido.es



Convocatoria do I Concurso Arranxos exteriores de Nadal

As portas do Nadal 2024 e motivado no interese de fomentar a participación nesta festividade de tódolos veciños e veciñas de Cerdido, o Concello convoca o I Concurso de arranxos exteriores de Nadal. O obxectivo do concurso é ambientar tódolos lugares do termo municipal con motivo destas festas contando coa participación veciñal.

BASES:

Primeira. Poderá participar no concurso calquera persoa que teña unha vivenda ou propiedade en Cerdido e se inscriba para participar no concurso, sempre que cumpra tódolos requisitos das presentes bases.

Segunda. As persoas que teñan un negocio ou establecemento no termo municipal e desexen participar no concurso poderán facelo aínda que tamén o fixeran a título individual, sempre que se trate de arranxos diferentes e colocados en diferentes localizacións.

Terceira. Para optar ao premio haberá que expoñer a decoración, de elaboración propia, nunha propiedade, vivenda ou negocio, sita no termo municipal de Cerdido e que poida ser observado dende a vía pública.

Cuarta. As persoas que desexen participar no concurso deberán inscribirse nas oficinas municipais ou enviando un correo a cultura@cerdido.es indicando o nome e apelidos da persoa inscrita, teléfono, lugar, parroquia e unha fotografía.

Quinta. A data límite para presentar as creacións e formalizar as inscricións será o vindeiro 16 de decembro e os resultados das votacións publicaranse o venres 26 de decembro na páxina web e redes sociais do Concello de Cerdido.

Sexta. A votación dos arranxos será popular.

6.1 O Concello publicará as fotografías dos arranxos inscritos nos seguintes medios: Facebook e grupo de WhatsApp do Concello de Cerdido. As votacións poderán realizarse a través da rede social Facebook, dándolle a “me gusta” ou “me encanta” na fotografía do arranxo que desexen elixir como merecedor do premio; a través da rede social WhatsApp valorando a fotografía do arranxo seleccionado e indicando o nome e apelidos da persoa que vota ou cubrindo unha papeleta física e depositándoa na urna que estará dispoñible a tal efecto nas oficinas municipais.

6.2 Calquera persoa poderá votar polo arranxo que lle pareza merecedor do premio, pero cada persoa poderá votar unha soa vez e por un único arranxo xa sexa na páxina do Facebook, no grupo de WhatsApp ou fisicamente na urna habilitada ao efecto nas oficinas municipais.

6.3 Para que os votos sexan considerados válidos as persoas que os realicen deberán poder identificarse. Os votos que se detecten que son duplicados non serán tidos en conta no reconto final.

6.4 O arranxo que reciba un maior número de votos será o elixido como merecedor do premio e o seu creador/a será nomeado para recibir o premio.

Sétima. Haberá unha modalidade de premio: O arranxo que reciba unha maior puntuación despois do reconto e da suma das puntuacións obtidas a través da rede social Facebook, do grupo de



Concello de Cerdido

As Felgasas, s/n, A Barqueira
15569 Cerdido (A Coruña)

981 41 10 00

www.cerdido.org correo@cerdido.es



WhatsApp do concello e da urna física será elixido como gañador do concurso e o seu creador/a será nomeado co 1º premio e recibirá unha cesta con produtos navideños.

Oitava. Para o recuento de votos, teranse en conta tódolos votos obtidos dende a publicación das fotografías ata o peche das votacións que será o 23 de decembro as 14:00 horas. As valoracións realizadas despois das 14:00 horas de este día non serán tidas en conta para o recuento de votos.

Novena. As persoas participantes do concurso aceptan coa súa inscrición as presentes bases e ceden o uso das imaxes dos arranxos para que o Concello de Cerdido as poida publicar na páxina web, nas redes sociais e medios de comunicación que considere sempre coa finalidade de darlle publicidade ao concurso, así como para que poidan ser incorporadas ao expediente de Convocatoria do I Concurso de arranxos exteriores de Nadal do Concello de Cerdido.

Décima. A persoa designada como secretaria do concurso levantará unha acta dos resultados obtidos a través da puntuación popular na que fará constar a suma dos votos acadados por cada arranxo inscrito cos datos do seu creador/a e a proposta do que obteña a maior puntuación como gañador do concurso.



Concello de Cerdido
As Felgasas, s/n, A Barqueira
15569 Cerdido (A Coruña)

981 41 10 00

www.cerdido.org

correo@cerdido.es

